



Broj: 0101-5243-7-LOT 2./19
Sarajevo, 10. 07. 2019. godine

Na osnovu člana 69. stav (1) tačka a) i 70. stav (1), (3) i (6) Zakona o javnim nabavkama Bosne i Hercegovine („Službeni glasnik BiH“ broj: 39/14) i člana 62. Statuta Univerziteta u Sarajevu, nakon provedenog otvorenog postupka za javnu nabavku usluge: LOT 2. Pristup globalnom internetu II, na preporuku Komisije za provođenje postupka javne nabavke broj: 0101-5243-6-LOT 2./19 od 10. 07. 2019. godine, rektor Univerziteta u Sarajevu je d o n i o

ODLUKU
o izboru ponuđača i dodjeli ugovora

Član 1.

Prihvata se preporuka Komisije za provođenje postupka javne nabavke broj: 0101-5243-6-LOT 2./19 od 10. 07. 2019. godine i ugovor o javnoj nabavci usluge: LOT 2. Pristup globalnom internetu II, dodjeljuje ponuđaču LOGOSOFT d.o.o. Grbavička 4, 71000 Sarajevo, čija ukupna cijena ponude iznosi: 24.960,00 KM bez PDV-a (slovima: dvadesetčetiri hiljadestotinašezdeset KM i 00/100), što sa uračunatim PDV-om iznosi: 29.203,20 KM sa PDV-om (slovima: dvadesetdevet hiljadadvijestotinetri KM i 20/100), iz razloga što je u otvorenom postupku javne nabavke dostavio prihvatljivu ponudu.

Član 2.

U Tački 12. Zapisnika o pregledu i ocjeni ponuda broj: 0101-5243-6-LOT 2./19 od 10. 07. 2019. godine, koji se nalazi u prilogu ove Odluke, Komisija za javnu nabavku je konstatovala da je ponuđač LOGOSOFT d.o.o. Grbavička 4, 71000 Sarajevo, u ponudi dostavio ovjerene kopije dokaza o ličnoj sposobnosti iz Tačke 13.1. pod a), c) i d) Tenderske dokumentacije, te dokaze o ekonomskoj i finansijskoj sposobnosti iz Tačke 13.3. Tenderske dokumentacije, pa se u skladu sa odredbama Tenderske dokumentacije izabrani ponuđač oslobađa obaveze naknadnog dostavljanja originala ili ovjerenih kopija navedenih dokaza.

U Tački 12. Zapisnika o pregledu i ocjeni ponuda, Komisija za javnu nabavku je konstatovala da ponuđač LOGOSOFT d.o.o. Grbavička 4, 71000 Sarajevo, u ponudi nije dostavio original ili ovjerenu kopiju Uvjerenja nadležnog suda ili organa uprave kod kojeg je registrovan kojim se potvrđuje da nije pod stečajem, niti je predmet stečajnog postupka, da nije predmet postupka likvidacije, odnosno da nije u postupku obustavljanja poslovne djelatnosti u smislu člana 45. stav (2) tačka b) Zakona o javnim nabavkama, pa u skladu sa odredbama Tenderske dokumentacije izabrani ponuđač ima obavezu naknadnog dostavljanja originala ili ovjerene kopije dokaza u smislu člana 45. stav (2) tačka b) Zakona o javnim nabavkama.

Član 3.

Ova Odluka će biti objavljena na web stranici Univerziteta u Sarajevu www.unsa.ba, istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav (6) Zakona o javnim nabavkama BiH.

Obrazloženje

Na osnovu Odluke o pokretanju postupka javne nabavke broj: 0101-5243-1/19 od 20. 06. 2019. godine, Univerzitet u Sarajevu je pokrenuo otvoreni postupak za javnu nabavku usluge: Pristup globalnom internetu.

Postupak je podijeljen u 3 (tri) LOT-a:

LOT 1. Usluga pristupa globalnom internetu I

LOT 2. Usluga pristupa globalnom internetu II

LOT 3. Usluga pristupa globalnom internetu III

Za provođenje postupka javne nabavke Odlukom broj: 0101-5243-2/19 od 20. 06. 2019. godine imenovana je Komisija za provođenje predmetnog postupka javne nabavke, kao i zamjenski članovi Komisije.

Obavještenje o nabavci broj: 999-1-2-65-3-56/19 objavljeno je na Portalu javnih nabavki dana 21. 06. 2019. godine.

Istog dana (21. 06. 2019. godine) na Portalu javnih nabavki objavljena je i Tenderska dokumentacija broj: 0101-5243-3/19.

Sažetak Obavještenja o nabavci broj: 999-1-2-65-3-56/19 objavljen je u "Službenom glasniku BiH" broj: 44 od 28. 06. 2019. godine.

Iz Izvještaja o preuzimanju tenderske dokumentacije od strane ponuđača, preuzetog sa Portala javnih nabavki dana 09. 07. 2019. godine u 10:06 sati, vidljivo je da su, u periodu koji je ostavljen za dostavljanje ponuda, sa Portala javnih nabavki Tendersku dokumentaciju preuzeli slijedeći potencijalni ponuđači: PROINTER ITSS d.o.o. Vuka Karadžića 2, Banja Luka; Mtel a.d. Kralja Petra I Karađorđevića, Banja Luka; ekapija d.o.o. 76300 Bijeljina, Bulevar Mihajla Pupina 10a, Novi Beograd, Srbija; AMPLITUDO d.o.o. Bulevar Sv. Petra Cetinjskog br. 56, Podgorica; BBS Europe, Spasovdanska 31Đ/20, Istočno Sarajevo; BH TELECOM d.d. Franca Lehara 7, Sarajevo; TELEMACH d.o.o. Džemala Bijedića 216, Sarajevo; BH TELECOM d.d. Direkcija Sarajevo, Zmaja od Bosne 88, Sarajevo; Dasto semtel d.o.o. Račanska 98, Bijeljina; TRION TEL d.o.o. Vidovdanska 8, Banja Luka; JP HRVATSKE TELEKOMUNIKACIJE d.d. Kneza Branimira bb, Mostar; Logosoft d.o.o. Igmanska 9, Sarajevo i UDRUŽENJE "TRANSPARENCY INTERNATIONAL" U BIH, Gajeva 2, Banja Luka.

Iz Izvještaja o pitanjima i odgovorima u vezi sa tenderskom dokumentacijom, kreiranog sa Portala javnih nabavki dana 09. 07. 2019. godine u 10:04 sati, vidljivo je da u periodu koji je ostavljen za dostavljanje pitanja i odgovora (do datuma: 04. 07. 2019. godine), od strane potencijalnih ponuđača **nije bilo postavljenih pitanja** za pojašnjenje Tenderske dokumentacije broj: 0101-5243-3/19 od 21. 06. 2019. godine.

Na Tendersku dokumentaciju broj: 0101-5243-3/19 od 21. 06. 2019. godine **nije bilo žalbi** od strane potencijalnih ponuđača.

Iz Zapisnika o otvaranju ponuda je vidljivo da je dana 09. 07. 2019. godine u 10:15 sati Komisija za javnu nabavku, izvršila javno otvaranje blagovremeno prispjele ponude slijedećeg ponuđača:

R. br.	Naziv i sjedište ponuđača <u>LOT 2.-PRISTUP GLOBALNOM INTERNETU II</u>	Broj prijemnog protokola	Datum i vrijeme prijema ponude
1.	LOGOSOFT d.o.o. Grbavička 4, 71000 Sarajevo	0101-6307/19	09. 07. 2019. godine u 09:15 sati

Dana 09. 07. 2019. godine u 10:15 sati održano je javno otvaranje blagovremeno dostavljenih ponuda. Na javnom otvaranju ponuda nije bilo prisutnih predstavnika ponuđača.

Od strane prisutnih na javnom otvaranju ponuda, nije bilo primjedbi na postupak otvaranja ponuda ili na ostale priopćene informacije. Zapisnik sa javnog otvaranja ponuda je isti dan (09. 07. 2019. godine), putem pošte upućen ponuđaču koji je blagovremeno dostavio ponudu. U Zapisniku o otvaranju ponuda je konstatovano da nije bilo neblagovremenih ponuda.

Komisija za javnu nabavku je u Zapisniku o otvaranju ponuda sačinila sažetak ponude primljene u roku (kriterij za dodjelu ugovora je najniža cijena):

R. br.	Naziv i sjedište ponuđača <u>LOT 2.-PRISTUP GLOBALNOM INTERNETU II</u>	Ponudeni popust	Ukupna cijena ponude
1.	LOGOSOFT d.o.o. Grbavička 4, 71000 Sarajevo	0,00 KM	24.960,00 KM bez PDV-a 4.243,20 KM=PDV 29.203,20 KM sa PDV-om

Komisija za javnu nabavku je u Zapisniku konstatovala da nije imala nejasnoća u ponudi ponuđača, niti je bilo grešaka u dostavljenoj ponudi.

Komisija je u Zapisniku evidentirala da je izvršila pregled ponude, kako bi utvrdila da li je ponuđač ispunio uslove iz člana 45. do 50. Zakona o javnim nabavkama, koji su traženi Tenderskom dokumentacijom, odnosno da bi utvrdila da li je ponuđač dostavio tehnički zadovoljavajuću ponudu u skladu sa zahtjevima iz Tenderske dokumentacije, te da li je kvalifikovan za vršenje predmetne usluge.

Nakon pregleda ponude, Komisija za javnu nabavku je utvrdila da ponuđač LOGOSOFT d.o.o. Grbavička 4, 71000 Sarajevo ispunjava sve uslove za kvalifikaciju tražene Tenderskom dokumentacijom (detaljno konstatovano u Tački 10. Zapisnika o pregledu i ocjeni ponuda), pa je Komisija ponudu ponuđača: LOGOSOFT d.o.o. Grbavička 4, 71000 Sarajevo, ocijenila kao PRIHVATLJIVU.

U cilju ocjene ispunjavanja uslova za primjenu preferencijalnog tretmana domaćeg, nakon pregleda ponude, Komisija za javnu nabavku je utvrdila da je ponuđač LOGOSOFT d.o.o. Grbavička 4, 71000 Sarajevo dostavio Potvrdu Vanjskotrgovinske komore BiH broj: 05-05-3-27-2886/19 od 04. 07. 2019. godine, , kojom se potvrđuje da pružanje usluga LOT 2. Pristup globalnom internetu II zadovoljavaju uvjete za izdavanje certifikata o bh porijeklu. Komisija za javne nabavke je ocijenila da se na ponudu ponuđača primjenjuje preferencijalni tretman domaćeg, ali s obzirom da je u predmetnom postupku dostavljena samo jedna ponuda, nije bilo mogućnosti poređenja ponuda.

Iz zapisnika Komisije za javnu nabavku je vidljivo da je Komisija provjerila računsku ispravnost dostavljene ponude i utvrdila da u ponudi ponuđača nije bilo računskih grešaka, te je ocijenila da je ponuda ponuđača: LOGOSOFT d.o.o. Grbavička 4, 71000 Sarajevo, RAČUNSKI ISPRAVNA.

Iz Zapisnika Komisije za nabavku je vidljivo da je za predmetnu nabavku, kao što je navedeno u Tenderskoj dokumentaciji broj: 0101-5243-3/19 od 21. 06. 2019. godine i Obavještenju o nabavci broj: 999-1-2-65-3-56/19 od 21. 06. 2019. godine, predviđeno provođenje e-aukcije kroz sistem e-nabavke. Članom 3. stav (3) Pravilnika o uslovima i načinu korištenja e-aukcije ("Službeni glasnik BiH" broj: 66/16), regulisano je da se u slučaju prijema jedne prihvatljive ponude e-aukcija ne može zakazati, nego se postupak okončava u skladu sa članom 69. Zakona o javnim nabavkama. S obzirom da je u predmetnom postupku javne nabavke usluge: LOT 2.-PRISTUP GLOBALNOM INTERNETU II, zaprimljena jedna prihvatljiva ponuda ponuđača LOGOSOFT d.o.o. Grbavička 4, 71000 Sarajevo, Komisija za javnu nabavku je konstatovala da se u skladu sa članom 3. stav (3) Pravilnika o uslovima i načinu korištenja e-aukcije, e-aukcija ne može zakazati.

U Zapisniku Komisije je navedeno da u predmetnom postupku javne nabavke nije bilo potrebe za podnošenjem zahtjeva za objašnjenje cijene ponude.

Na osnovu navedenog, Komisija za provođenje postupka javne nabavke je dala preporuku rektoru Univerziteta u Sarajevu da za nabavku usluge LOT 2. Pristup globalnom internetu II, donese odluku o izboru i dodjeli ugovor ponuđaču LOGOSOFT d.o.o. Grbavička 4, 71000 Sarajevo, čija ukupna cijena ponude iznosi: 24.960,00 KM bez PDV-a (slovima: dvadesetčetirihiljaddevetstotinašezdeset KM i 00/100), što sa uračunatim PDV-om iznosi: 29.203,20 KM sa PDV-om (slovima: dvadesetdevethiljadadvijestotinetri KM i 20/100), iz razloga što je u otvorenom postupku javne nabavke dostavio prihvatljivu ponudu.

Iz gore navedenih razloga, primjenom člana 69. stav (1) tačka a) Zakona o javnim nabavkama BiH, prihvaćena je preporuka Komisija za provođenje postupka javne nabavke i odlučeno je kao u dispozitivu ove Odluke.

POUKA O PRAVNOM LIJEKU:

Protiv ove Odluke može se izjaviti žalba, najkasnije u roku od deset (10) dana od dana prijema ove Odluke. Žalba se izjavljuje Uredu za razmatranje žalbi Bosne i Hercegovine putem ugovornog organa u pisanoj formi. Žalba se podnosi u najmanje tri (3) primjerka.

Naknada za pokretanje žalbenog postupka plaća se Uredu za razmatranje žalbi, u skladu sa članom 107. Zakona o javnim nabavkama i Instrukcijom Ministarstva finansija i trezora BiH o načinu uplate, kontrole i povrata naknada propisanih članom 108. Zakona o javnim nabavkama BiH.

Rektor


Prof. dr. Rifat Škrijelj

Dostaviti:

1. LOGOSOFT d.o.o. Grbavička 4, 71000 Sarajevo
2. Prorektor za finansije
3. Generalni sekretar
4. Služba za računovodstvo i finansije
5. Služba za javne nabavke
6. web stranica UNSA
7. a/a

Prilog: Zapisnik o pregledu i ocjeni ponuda